



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N 91/1262/

< 14 > 06 2023թ.

**Սենիկ Ժորայի Սողոմոնյանին
Հասցե՝ Արմավիրի մ., ք. Վաղարշապատ, 4 փ., տ. 4/4**

Ուղարկվում է Ձեր դիմումի հիման վրա հարուցված վարչական բողոքարկման վարույթի արդյունքում կայացված թիվ 8300588221 որոշումը բեկանելու և վարչական իրավախախտման վերաբերյալ գործի վարույթը կարճելու մասին որոշման օրինակը:

Առդիր՝ «3 » թերթ:

Հարգանքով՝

**Պետի պարտականությունների ժամանակավոր
կատարող, ոստիկանության գնդապետ**

Ա. Մաթևոսյան

Կատ. Մ.Գույումջյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 14.05.2023թ. կայացված թիվ 8300588221 որոշումը բեկանելու և վարչական իրավախախտման վերաբերյալ գործի վարույթը կարճելու մասին

14.06.2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա.Մաթևոսյանս, վերանայելով Սենիկ Ժորայի Սողոմոնյանի (Այսուհետ՝ դիմող) ՀՀ ՆԳՆ ոստիկանության պարեկային ծառայություն ստացված՝ 15.05.2023թ-ին դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

14.05.2023թ.-ին՝ ժամը 09:50-ին, Երևան քաղաքի Կենտրոն Թումանյան փողոցում՝ դիմողի վարած «Տոյոտա» մակնիշի 11 II 404 հաշվառման համարանիշի տրանսպորտային միջոցը կանգնեցվել է ՀՀ ՆԳՆ ոստիկանության պարեկային ծառայության Երևան քաղաքի 4-րդ գումարտակի 2-րդ վաշտի կրտսեր պարեկ, էմիլ Նուրիջանյանի կողմից՝ «ԱՊՊԱ մասին» ՀՀ օրենքի 5-րդ հոդվածի, 4-րդ մասի պահանջները խախտելու, այն է՝ առանց գործող ԱՊՊԱ պայմանագիր ունենալու տրանսպորտային միջոցը վարելու համար և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն կազմվել է վարչական իրավախախտման վերաբերյալ արձանագրություն և կայացվել թիվ 8300588221 որոշումը՝ դիմողին 100.000 ՀՀ դրամ գումարի չափով տուգանելու մասին:

Դիմողը 14.05.2023թ.-ին դիմումով խնդրել է բեկանել ՀՀ ՆԳՆ ոստիկանության պարեկային ծառայության թիվ 8300588221 որոշումը, մասնավորապես հայտնելով, որ իր տրանսպորտային միջոցի համար ունի «Նաիրի Ինչուրանս» ապահովագրական ընկերության հետ կնքված պայմանագիր և դիմումին կից ներկայացրել պայմանագրի պատճեն:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման

բոլոր, այդ թվում՝ դիմումատուի օգտին առկա փաստական հանգամանքները, ձեռք բերված ապացույցները, ինչի արդյունքում պարզվել է, որ վարչական իրավախախտման գործով կայացված թիվ 8300588221 որոշումը ենթակա է բեկանմամբ՝ հետևյալ պատճառաբանությամբ և հիմնավորմամբ.

Ուսումնասիրելով ՀՀ ՆԳՆ ՃՈ էլեկտրոնային ռեգիստրի տվյալները և ASWA էլեկտրոնային կայքի տեղեկանքները՝ պարզ է դառնում, որ կատարվել է համարանիշի փոփոխություն, մասնավորապես Հակոբ Գրիգորյանին պատականոդ «Տոյոտա» մակնիշի ANA10-0019858 նույնացման համարով, 37 RC 040 հաշվառման համարանիշը 20.04.2023թ. փոխարինվել է 11 II 404 հաշվառման համարանիշով, այսինքն «Տոյոտա» մակնիշի ANA10-0019858 նույնացման համարով տրանսպորտային միջոցի համար առկա է ԱՊՊԱ պայմանագիր՝ կնքված «Նաիրի Ինշուրանս» ԱՍՊԸ-ի հետ, որի ժամկետի ավարտը մինչև 22.05.2023թ. է:

Հետևաբար՝ 14.05.2023թ. ժամը 09:50-ի դրությամբ «Տոյոտա» մակնիշի, ANA10-0019858 նույնացման համարով տրանսպորտային միջոցի համար առկա է եղել գործող ԱՊՊԱ պայմանագիր:

Պարեկային ծառայության ծառայողի պարզաբանման համաձայն տրանսպորտային միջոցը առանց գործող ԱՊՊԱ պայմանագրի վարելու փաստը արտացոլվել է իրեն ամրակցված դյուրակիր համակարգչում առկա ծրագրում, ինչի հիման վրա կազմել է արձանագրություն և կայացրել է որոշում:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության դեպքում:

«Վարչական իրավախախտումների վերաբերյալ» օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Նույն օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 14.05.2023թ. կայացված թիվ 8300588221 որոշումը բեկանել և վարչական իրավախախտման վերաբերյալ գործի վարույթը կարճել:

2. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Երևան քաղաքի գունդ:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով սահմանված ժամկետներում:

**Պետի պարտականությունների ժամանակավոր
կատարող, ոստիկանության գնդապետ**

Ա. Մաթևոսյան